

(142)

nobis inde nata est, quoniam hominem in iis, quae mundanarum sunt deliciarum, demortuo quam simillimum, quem nec erudita veteris aetatis monumenta (quae cognoscere ex libris, olim juveni valde placuerat) nec palatiorum magnificentia, nec aurata simulacra, nec aedes marmore constratae, nec Aegyptiae pyramides, nec famosissimis manibus imagines, ac signa, nec aulae splendor, et strepitus, nec hujus alteriusve loci salubritas, nec alia plura, quae pulcherrimam, atque orbe toto laudatam Romanam exornant; hominem, inquam, quem ea cuncta nihil prorsus moveant, aut titillent; ab supparibus, et amicis, quorum consuetudine maxime gaudebat, et quibuscum a teneris vitam egerat, profecto non aliud, nisi praedicta in Christi Vicarium observantia, potuisset avelgere. Atque ab eo potissimum tempore, qui fuit annus 1775, fere non aliud volvi Vallartae mente videbatur, nisi Summi Pontificis auctoritatem incredibili conatu propugnare. De hac potestate apud familiares colloquia quam saepissime conserebat; hanc in otio secum ipse ruminabatur; hanc sacerorum Conciliorum, et primorum Ecclesiae Patrum suffragiis confirmare summa cum accuratione studebat; pro hac etiam, tanquam pro aris, et focis, accerrimo calamo pugnabat. Et plura de hoc argumento posteritati commisit opuscula suis omnino impendis; tametsi nunquam non fuerit in summa tenuitate, ac rerum angustiis. Quorum sane opusculorum exemplaria fere omnia gratis do-

nabat

(143)

nabat familiaribus, atque interdum plura singulis; ut per eorumdem manus, nullo suimet emolumento, personatoque auctoris nomine, latius propagarentur: neutquam enim haec vel inanis gloriola, vel sordidi lucri causa scribebat; sed quo magis, magisque Supremi Ecclesiae Rectoris auctoritatem confirmaret adversus hodierna quaedam ingenia, quae sibi plaudunt, quasi magnis mentibus, cum aliquid tentaverint ab Romani Antistitis legitima potestate decerpere. Neque vero silebimus, has Vallartae lucubrations, ut ut optimo elaboratas animo, venientesque ab ingenio clarissimo; nihilo tamen secius non admodum placuisse Sapientibus, iis etiam, qui secundum leges Christianas, et rectam criticen vere sapiunt: vel quod natura proclivis esset auctor ad subtilem quamdam, et captiosam argumentandi rationem; vel quod latine scribens, oppido incomptum, et barbarum scholarum calamum adoptarit; vel fortasse quod in proposita nonnulla praeter communem opinionem impegerit. Nostrи certe non est instituti, cum historice narramus, de rebus id generis, quae in disputationem cadunt, censoriam virgam assumere. Unum vero miramur, Vallartam, qui, juventute florente, tantus fuit latinae linguae veneribus, ut quasi unus aliquis veteranum Romanorum, tum soluta oratione, tum carmine, latine scribebat, ac loqueretur; nunc adeo suimet oblitum, ab linguae praesertim, atque scribendi indiligentia, parum consuluisse lucubrationibus suis.

Post

(144)

Post annos novem, et menses aliquot romanæ commorationis, mirantibus omnibus, et nemine reperiente causam, Bononiam remeavit; ubi summa pietatis, demissionis, modestiae, silentii laude pene sexennium alterum transegit; atque ita in cubiculo delituit, ut nisi pro ambulatione pomeridiana, quam fere coactus instituit, per vias urbis admodum raro inveniretur. Hanc latendi cupidinem adauxit postrema calamitas, eaque maxima, qua Deus virum istum toto vitae cursu afflictum, et agitatum tentavit: cum enim sinistrum habuisse oculum natura hebetem, adeo quidem, ut, clauso dextro, propemodum maneret in tenebris; anno exeunte 1787, dextrum oculum ad aciem externus humor cum cruciatu non modo vitiavit. Ille, quod alias in re simili fecerat, cum obstinasset animo, reluctantibus aliis, infirmum oculum igni admovere; sensim dolores increverunt, coaluit majori copia praedictus humor, quo tandem in putredinem verso, Medicum arcessi decretum est. Hic autem post dierum modicum, terribilem pronuntiavit sententiam, opus esse chirurgi manu, quae pungeret aciem, et collectam ibi saniem extraheret; ne gangraena, quae sine dubio imminebat, foede serperet, ac periculose prolataretur. Haec sane verba, tanquam sententiam capitis, audivit Vallarta, vir otio semper infensus, mente supra modum actuosus, duodesuaginta jam natus annos, quo fere toto spatio nihil a calami, et librorum usu cessaverat; nec alium

por-

(145)

porum repererat, in quem ab humanae vitae casibus, ab suae conscientiae timoribus, et ambagibus, horrendisque naturae suspiciose fluctibus, daretur sibi confugere. Nihilo tamen minus Dei voluntati se commisit, decreta dies est, pupugit Chirurgus aciem, derivatus est perniciosus humor, delicatissimae partis inflammatio cessavit; sed ab eo die Vallarta fuit orbus dextro lumine, sinistro autem, ut demonstravimus, vix non orbus; quo tamen ad librorum solatium uti non poterat. Ergo suis vir ille cogitationibus derelictus, mirum est, quot, quantasque in animo tempestates ipse sibi excitaverit. Nihil remandebat mens illa vacua nisi perpetuas conscientiae fluctuationes, et horribiles metus, quibus mente sibi fingebat Deum oppido iratum, a quo nunquam non verebatur ad stygiarum furiarum communionem, et cruciatus aeternum duraturos detрудi. Quod si adjeceris vana quaedam deliramenta, et suspicione, quibus animo se se describebat hominem nequam, flocci faciendum, natum fruges consumere, cunctisque civibus, et praecipue contubernalibus onus gravissimum, nec diutine sustinendum; profecto misereberis orbi per biennium, et menses aliquot Vallartae, fortasseque judicabis, illum adhuc mortalem solvisse Deo poenas, quibus in igne lustrali solent animae ante beatam aeternitatem expiari. Nihil utique mirandum, si tantis, et nunquam toto illo tempore interruptis angoribus afflictus, vexatus, agitatus, velut emota mente Vallarta interdum videretur.

F. III.

K

Anno

Anno autem 1790, mense Junio, singularis naturae febricula correptus est, ac dies aliquot mente sibi non constitit; nec vero in illis non dedit quamplurima religionis, et virtutum, quibus eluxerat in bona valetudine, documenta: donec tandem V. Nonas Quintiles, quo mense complebat aetatis annum septuagesimum primum, placidissimo fato functus est, atque in paroeciali Divae Mariae Magdalene templo terrae mandatus.

Clariorem autem Vallartae imaginem habebimus ab ejus virtutibus, vel paucis illis, quas ipsius modestia celare non potuit. Charitate in homines mirifice flagrans, nullam viam non tentabat, tum ut bonam omnium opinionem tueretur; tum ut criminibus implicati, ad honestatem se reciperent; tum ut egenis, et praesertim iis, quos pudor prohibet mendicare, quoad pro sua tenuitate liceret, lubenter, et celeriter, et magno cum silentio subveniret. Temperantissima lingua semper usus, nunquam in sermones de alterius erratis aut ultro veniebat, aut adduci patiebatur. Ardor ille nimius, et strenue severus, quo supra demonstravimus in ea se se quandoque intrudere, quae sui juris non erant; tametsi notam imprudentiae non effugeret, a purissima tamen enascebatur origine, quod auxilium omnibus praestare vellet, ac viam rectam erranti cuilibet promptus, efficax, accuratus ostendere: quae quidem origo charitatis, urgentibus uno ex alio scrupulis, ab irrequieta illa mentis calliditate vitiabatur. Mi-

rum erat in Vallarta, quod pro suae conscientiae rebus austerrissimam disciplinam secutus, et nativa indole ad rigorem pronus; judex tamen in sacro poenitentiae subsellio, vel in familiari colloquio si te moerore oppressum intelligeret, alius ab semet videbatur, ambages omnes, et fluctuationes deponebat, humanissimam suavitatem induebat, eruditam doctrinam in verbis consolatoriis explicabat, nec, nisi animo sedatum, abire te permittebat. Quanta fuerit in pauperes misericordia, tum in Italia nos testes fuimus, tum in oblivionem sero veniet Mexicana civitas, in cujus civibus plura reliquit hujus virtutis monumenta. Sit hoc pro multis, quoniam brevitatem sectamur: Anum quamdam Vallarta plures annos gubernarat in sacris Confessionibus; quae moriens, in summo moerore, ac luctu repraesentavit ei tenellam ex filia neptem, post impendens moribundae fatum extremis periculis, mendicitatique destinatam. Vallarta vero, et quod calamitosae puellae misertus est, et quod afflictae foeminae in agone postremo positae tranquillum procurabat interitum; se pro suis viribus opitulaturum orbae infanti pollicetur. Et sane fidem praestitit aequis conatibus, ac si sacramenti reus esset: nam et miseram illam, omni mortalium auxilio destitutam, apud honestissimam Matronam, in claustro diversantem, vestigio collocavit; et praeter incertas alias pecuniae summas, aureos ipsi quinquaginta annuos a quodam benefico procuravit; et pulsus

(148)

in Italiam , benefico illo demortuo , tametsi summa ipse in tenuitate , atque angustiis , plura tamen ab sibi necessariis auferens , clientulam illam suam totis viribus adjuvare minime cessavit : eamdemque , vel jam moriturus , beneficiis cumulans , eximiae misericordiae documentum in sepulchrum intulit .

Inopiam religiosam , et voto in Societate constrictus , et eodem , illa eversa , solitus , maximopere coluit ; adeo quidem , ut omnino asseveremus , hac in laude Vallartae pares , vel paucos admodum novisse , vel fortasse neminem . Si libros exceperis , quos vir doctrinis excultus , et hac duntaxat in humanis occupatione delectatus , abunde sibi comparaverat ; nihil penitus invenires in ejus tota supellectili , quod non pannosum , et mendicum redoleret . Ejus indumenta , quo tempore in Sociis vitam egit , vilia quidem erant , usuque semper attrita , sed quae communem Sociorum morem minime dedecerent ; ab Societatis autem excidio , cum nullus ultra fuit Superior , cuius nutum in rebus ejusmodi sequeretur , multo quam antea fuerunt viliora , et deteriora . Novem ipsos annos Romam cum Vallarta incoluimus ; hoc autem longo temporis intervallo , cum interdiu , noctuque per vias urbis incederet , nunquam caput ejus galero coopertum vidisse meminimus : et quem ille galerum appellabat , lacerumque ac male contractum sub ala fere portabat ; nos profecto nihil hoc dignum nomine credebamus . Perpetuam habuit comitem romanae

(149)

nae suae commemorationis , vetustate decolorem ; et sordidam , et ex panno crassissimo tunicam , quae juxta ejus carnem tegeret , atque incredibilem internarum vestium inopiam ; neque tamen ita potuit utrumque tegere , ut familiares aliqui non animadverterent , interdum hanc eamdem tunicam esse Vallartae pro subucula . Nam sum extergebat telis cannabinis ea crassitudine , ut pejoribus uti nunquam viderimus vel eos , qui victum ostiatim sibi quaerunt . Fortasse in his enarrandis , alicui videbimus , ampullosum , et amplificantem calatum adhibere ; sed in recentissima memoria , sin minus historiae fides , certe mentiendi pudor apud oculatorum testium multitudinem nos in officio contineret . Quin imo tot superstites , qui cum Vallarta familianter usi sunt , sine dubio nos accusabunt , quod in ejus inopia describenda , quamplura siluerimus : id autem consulto nos facere intelligent , ne delicatas quorundam aures offendamus . Hoc inopiae voluntariae studium , animi demissione tam insigni condiebat : ut , plura id generis documenta cum in eo contemplareris , haud facile dignosceres , ab utra virtute potissimum nascerentur . Contemnebat se se , ac nullo dignum nomine judicabat ; et sicut pro victu , atque indumento , tenuissimis , ac deterrimis contentus erat , sic etiam pro habitaculo quodcumque vile tugurium ei daretur , amplissime sibi contigisse arbitrabatur . Ad Sancti Petri Castrum laetus admodum jacuit menses aliquot in angustissima , et humillima cellula , pulsarum inde columba-

(150)

rum successor: nec certe dissimiles multo fure
re commorationes, quibus Romae Vallartam
pene ad bina lustra cognovimus. Quidquid au-
tem esset de cubiculi, quod occupabat, angu-
stiis; habitatores Vallartae similes, eorumque
tota utensilia modico possent incommodo du-
plicari: nam cum locus esset exiguo ad male
iacendum lecto, parvo ad scribendum abaco,
mediocrisque magnitudinis arcae, quae tum ac-
cedentibus esset pro sedili, tum libros conti-
neret; viro nihil amplius habenti, major am-
plitudo supervacanea videbatur. Grandior au-
tem, et mirabilior comparuit Vallartae demis-
sio, et temperantia; cum, variis ejus operibus,
ut demonstravimus, publicatis, omnino nullae
celebritates in auctoris honorem auditae sunt.
Fuerant haec opuscula multae cogitationis, et
studiorum, et vigilarum fructus, quorum unum
scopum vir continentissimus animo sibi propo-
suerat, sanctam religionem asserere. Quare ad
publicum sive silentium, sive neglectum, nihil
dubitamus, vehementer illum doluisse, quod col-
lineare non potuerit; sed vel ii, qui familia-
rissime noveramus hominem, nullam hac de re
conquestione ejus audivimus.

In castimoniae custodiam pluribus, atque
iis efficacibus, armis usus est. Fere nunquam
volvebat obtutum ad ejus vultum, quicum col-
loquebatur, praesertim ad foeminas; quarum
intimam vitare consuetudinem, solemne semper
habuit. Intentus, et fervidus consuetis medi-
tationibus instabat; interdiu vero, sive legeret,

sive

(151)

sive scriberet, sive rem quamvis ageret, saepius
ad Numen brevibus precationibus animum eri-
gebat. Mariam Reginam Virginum observantia
singulari coluit; ejus religiones, quoad potuit,
ubi ubi divertit, propagavit; deque ipsius Im-
maculato Conceptu longiusculam scripsit lucu-
brationem, quod justum volumen est: hoc au-
tem opusculum, atque ejusdem alia plura silent
inedita. Perpetuum indixit otio bellum, ne
mens haberet liberam errandi per inutilia facul-
tatem; quippe mane cum e lecto surrexerat,
animumque sacris commentationibus, ac Divino
sacrificio excoluerat; in cubiculi solitudine se
se continuo praestabat opera vel studendi, vel
conscripti, donec ad prandium appellaretur.
A modica meridiatione statim redibat ad libros;
quorum suavitate inebriatus, ad cadentem So-
lem nulla interruptione perseverabat. Loquimur
de Vallarta Romae commorante: nam postre-
mis vitae annis, quos egit Bononiae, familia-
rium precibus inductus est, ut ab opera post
meridiem cessaret, ac salutari deambulationi va-
caret. Romae quidem sexagenario major, et In-
sciosus homo primam noctis vigiliam lubentissi-
me consumebat in fovenda cum suis populari-
bus charitate; quorum domos alternatim per heb-
domadam frequentabat. Quare festive dicebatur
a nonnullis, Vallartam esse noctuae similem,
qui diu silebat in tenebris, nocturnis autem ex-
peditionibus fruebatur. Domum inde reversus,
brevisimae coenae vacabat, in cubiculo rursus
latebat, severus in semet judex diurna sua facta;

K 4

et

(152)

et dicta , et cogitata disquirebat , Deum pre-
batur , et lectulum repetebat . In qua quidem
temporis partitione nihil penitus rerum inanum ,
nendum pravarum , cogitationi supererat .

Christianum sui corporis odium incredibili-
ter fovit , eo quidem gradu , quo majorem exco-
gitare vix poteris . Inedia voluntaria , flagello ,
terreisque macerationis instrumentis in se se cru-
deliter insaeviebat : cuius religiosae crudelitatis
monumentum superest illa scutica , quam assi-
dua exercitatio stamine denudaverat , et quam
filis ferreis horridam quidam Vallartae familia-
ris , venerationis ergo repositam , in pretiosis cu-
stodit . Ante plures annos , quam Mexico egre-
deretur , ultro se abdicaverat illa grata potiuncula ,
et ipsi quidem gratissima , cui nomen est
Coccolatum , qua bis in die propemodum om-
nes ibi gentium reficiuntur : et quia non pote-
rat ab indefessis in studio sudoribus omnino je-
junus ad prandii tempus durare , vile aliquod
pomum erat illi pro refectiuncula matutina . Quos
fere decem annos Romae transegit , nulla sin-
done usus est , nulla etiam culcita ; sed laneo
duntaxat torali super protensos funes constrato ,
quod lecti viatorii genus esse solet , incommodo
nimium cubabat ; et eo quidem incommodius ,
quod asperrimo illo stragulo totum cor-
pus involvebat , ut in dimidio recumberet , di-
midio reliquo tegeretur . Atque eo jam tempo-
re , suspicamur non levibus innixi fundamentis ,
Vallartam non se despoliasse diurnis vestibus ,
ut noctu cubitum iret . Quam ad interitum re-
tinuis-

(153)

tinuisse consuetudinem , satis demonstravit in po-
strema valetudine ; cum nullis precibus flecti po-
tuit , ut ingressurus in lectum , non modo cal-
ceos , tibialia , femoralia , verum nec externam
tunicam volens , et lubens deponeret ; nec cer-
te deposuisset , nisi ab invito post dies aliquot ,
valetudinis administris extorsissent . Emota nimi-
rum mente a morbi vehementia , obstinatissime
volebat , iisdem vestibus ire ad somnum mor-
tis , quibus ad somnum quotidianum . Dolemus
profecto , plurima ignorasse de hoc homine ,
cujus in primis amoribus modestia sine dubio
fuit : sed ab iis duntaxat , quorum testes fui-
mus , tantus certe comparuit Josephus Vallar-
ta , ut pauca naturae vitia nihil impediant ,
quominus illum et excellentium virtutum copia ,
multo quidem uberior , et doctrinae in
Theologicis praestantia , et magna opinio in
Mexicanis habita , et cumulata in Italis , tan-
quam virum egregium , et clarissimum posteri-
tati commendent .

AUGUSTI